

# Giuventetgna grischuna fa part dal project «Acziun 72 uras»

■ (cp) Realisar aifer 72 uras in project d'util public, quai è davent da gievgia saira la sfida per passa 300 giuvnas e giuvnas dal Grischun. Dals 9 fin ils 12 da settember ha l'acziun 72 uras lieu per la segunda giada en Svizra. Gievgia saira, precis a las 18.11, cumenza l'Acziun 72 uras en l'entira Svizra. Lura vegn lachà il giat or dal satg. Radund 30 000 giuvnas, giuvnas ed uffants da l'entira Svizra vegnan a savair tge pensum ch'els han da realisar durant las 72 uras.

## Creativ e cun agid da la populaziun

Il pensum che vegn surdà tar il cumenzament da l'acziun sto vegnir realisà aifer trais dis e quai senza daners. Tant pli duain las participantas ed ils participants realisar lur pensum cun esser creativs. Dentant era la populaziun duai gidar. Dovra ina grupp agid, po ella annunziar quai via internet u telefon. Ils radios da la SRG SSR idée suisse, tranter auter il Radio Rumantsch, emettan lura quels cloms d'agid sur lur emetturs. Sch'insatgi vul sa gidar, po el s'annunziar via il numer da telefon gratuit 0800 72 72 24. Er ina visita da las gruppas è da recumandar. Las gruppas vegnan segir ad avair plaschair. L'infurmasziun, nua che las gruppas èn, chatt'ins sin la pagina d'internet, [www.72uras.ch](http://www.72uras.ch).

## Cumenzament en la Rathaushalle a Cuira

En il chantun Grischun vegn l'acziun

lantschada en la Rathaushalle a Cuira. L'occurrentza è publica e cumenza a las 17.30. Sper las organisaziuns da giuventetgna che sa participeschon è er *Andrea Ferroni*, schef da l'Uffizi dal servetsch social chantunal dal Grischun da la partida. El vegn a tegnair in pled e lura lantschar l'acziun. A las 18.11 preschentan ils manaders da grupp lura ils projects e gia po l'aventura cumenzar. Las gruppas sa rendan a lur lieus d'acziun e cumenzan a planisar il pensum ch'ellas han da realisar.

## Program da l'occurrentza

Davent da las 17.30 Arrivada da las organisaziuns da giuventetgna


– 17.50 Bainvegni tras *Walter Bstiel*, president dal comité d'organisaziun dal Grischun

– 18.00 Pled d'Andrea Ferroni, schef da l'Uffizi dal servetsch social chantunal dal Grischun

– 18.11 cumenzament da l'acziun

davent da las 18.11 preschentan dals projects e silsunter cumenzan las gruppas cun la realisaziun da lur projects.

**Aktion 72 Stunden • Azione 72 ore**



**Action 72 heures • Acziun 72 uras**